

ჩოხატაურის მუნიციპალიტეტის საკრებულოს

დადგენილება

„ჩოხატაურის მუნიციპალიტეტის გამგეობის ადმინისტრაციული სამსახურის დებულების დამტკიცების შესახებ“ – ჩოხატაურის მუნიციპალიტეტის საკრებულოს 2014 წლის 7 აგვისტოს #25

დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად საკრებულო ადგენს:

„ჩოხატაურის მუნიციპალიტეტის გამგეობის ადმინისტრაციული სამსახურის დებულების დამტკიცების შესახებ“ – ჩოხატაურის მუნიციპალიტეტის საკრებულოს 2014 წლის 7 აგვისტოს #25 დადგენილებაში (სარეგისტრაციო კოდი: 010260020.35.114.016206, www.matsne.gov.ge 14.08.2014) შეტანილ იქნეს შემდეგი ცვლილება:

მუხლი 1.

დადგენილებით დამტკიცებული დანართის მე-2 მუხლის მე-2 პუნქტი ჩამოყალიბდეს შემდეგი რედაქციით: „2. საზოგადოებასთან ურთიერთობის განყოფილება;“.

მუხლი 2.

დადგენილებით დამტკიცებული დანართის მე-2 მუხლიდან ამოღებულ იქნეს მე-8 პუნქტი „8. მდივან-რეფერენტი“.

მუხლი 3.

დადგენილებით დამტკიცებული დანართს დაემატოს მე-7¹ მუხლი და ჩამოყალიბდეს შემდეგი რედაქციით:

„7¹. საზოგადოებასთან ურთიერთობის განყოფილება.

1. საზოგადოებასთან ურთიერთობის განყოფილება უზრუნველყოფს:

ა) მუნიციპალიტეტის გამგებლის გამართულ კომუნიკაციას საკრებულოსთან, სხვა თვითმმართველ ერთეულებთან, სახელმწიფო ორგანოებთან, იურიდიულ პირებთან, მოქალაქეებთან და სხვა გაერთიანებებთან;

ბ) მუნიციპალიტეტის ოფიციალური ღონისძიებების დაგეგმვას და ორგანიზებას;

გ) პრესისა და მასობრივი ინფორმაციის საშუალებებში გაშუქებული მასალების ანალიზს;

დ) მუნიციპალიტეტის გამგებლის სამუშაო შეხვედრების ორგანიზებას;

ე) ადგილობრივი თვითმართვულობის თანამდებობების პირების პრესკოფერენციების ჩატარების ორგანიზებას, გამგეობის საქმიანობის შესახებ ყოველთვიური პრეს- დაიჯესტების მომზადებას და გამოქვეყნებას, ადგილობრივი თუ მასობრივი მედია საშუალებებთან ურთიერთობის ხელშეწყობას;

ვ) გამგეობის საქმიანობის შესახებ ფოტო, აუდიო და პრეს-არქივის შექმნას;

ზ) ბეჭდვით თუ სხვა მედია საშუალებებში გასული ინფორმაციის მონიტორინგს;

თ) გამგეობის ხელმძღვანელი პირებისთვის ყოველდღიური და ყოველკვირეული მედია მონიტორინგის ანგარიშის წარდგენას;

ი) მუნიციპალიტეტის ვებ-გვერდისთვის მასალის მომზადებას.“

მუხლი 4.

დადგენილება ამოქმედდეს გამოქვეყნებისთანავე.

პროექტი მოამზადა: ნინო ვაჩეიშვილმა